

BOVLONGNE

COMITATVS.

Insunt & hi Comitatus: Guines, Ardres, & Fiennes Baronatus. Item Episcopatus Tarvannensis sive Morinorum, cui hæ Ditiones in spiritualibus parent.

Meridiani ad rationem Paralleli 50. 45. positi sunt.

Regio unde dicta.

Situs.

Urbes.



*B*olonia, vel ut alii, Bononia Comitatus (*Conté de Boulongne*) satis est amplus. Totus hic Tractus arenosus est, ejus generis arenæ, quam Vrentem vocant: unde & nonnulli Boloniam censent a *Bonillir* derivatam, quod ridiculum videtur. Nomen Comitatus a *Bolonia* Opido quod in Superius hodie & Inferius divisum. Initium Bononiæ Comitatus ab Montibus S. Ingelberti: procurritque ad fluvium Cancham, quæ ejus Longitudo: Latitudo ad Lucum usque Tournohensem porrigitur. Comitatus autem titulo nobilis est Bolonia, quam dignitatem adepta est tempore Caroli Calvi Regis Galliæ quo tempore *S. Paul, Oye, Guines & Artesia* eodẽ honore tituloque potitæ sunt. Multa habet Opida & pagos. Inter alia *Boloniæ* Opidum, quod duplex Superius & Inferius. Illud altiore sitũ loco, Burgus tantum, anteaquam ab Anglis obsidione premeretur. Hoc autẽ planiora occupans Mare adluit. Alterum ab altero passibus distat centum aut circiter. *Bononiam* etiam nominant hac Galliarũ parte varii. *Bononiense opidum* habet quoq; Panagyricus incerti auctoris Imperatori Constantino dictus. *Civitas Bononiensium* est in Noritia provinciarũ inter Belgicę Secundę Civitates, Hodie Francorum vulgo *Boulongne*; Inferioris Germaniæ populis propius ad veterẽ appellationem accedentibus

*Confere in Smeyge
Rosarius ac. 66*